



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Resp. ad Iudices translata.

urn:nbn:de:hbz:466:1-11490

1 XLV. Jesu mortuo, ¹ populus sine duce agebat. Sed
 2 cum adversus Chananæos bellandum esset, ² dux belli Ju-
 3 DAS assumptus est. Hujus ductu ³ res prospere gesta, domi
 militiaeque summum ocium: populus, aut subactis aut per
 4 deditioem acceptis gentibus, imperitabat. Inde, ut sem-
 per fieri ⁴ secundis rebus solet, morum disciplinæque im-
 memor, ⁵ matrimonia ex victis assumere, paulatimque ex-
 ternos mores trahere, ac mox, profano ritu, ⁶ idolis sacrifi-
 5 care occæpit. Adeo cuncta cum externis societas perni-
 6 ciosa est. Quæ Deus longe ante prospiciens, salubri He-
 bræos responso instruxerat, devictas gentes ut internecioni
 darent.

*rouymus I. contra Iovianum. Chryso-
 stomus Sermone de Martyribus.*

* cIo Io ccc LXXX & 1111.] Pro cIo.
 repono III. quod ante me Gifelinus an-
 notavit. Sigonius autem pro 1111. ad-
 monet scribendum 111. ut dicat, *anni
 sunt ter mille octingenti octoginta & tres.*
 Salmanticensis, *mortuus est anno mundi
 bis millesimo quingentesimo decimo sexto.*
 Drufius.

1 Populus sine duce.] Quidam tamen
 non tantum Eleazaro in pontificatu, sed
 & Josuæ in Ducatu successisse Phinees
 scribunt. Sic excerpta ex Eusebio & A-
 fricano: *Post obitum Hiesu filii Nave,
 praefuit populo Phinees Sacerdos annos xxxiii.*
 Ita & Saidus Batricides, Patriarcha A-
 lexandrinus & Nicephorus Patriarcha.
 Sed praefecturam hujusmodi in eo nulli-
 bi agnoscunt Hebraei. *Seld.* Non statim
 post mortem Josuæ Iudices creati, sed
 interregnum exitit. Quod est tempus
 illud, quod vocat Josephus Aristocra-
 tiam. *Sigonius.* Senes tum repub. ad-
 ministrabant, in quorum numero Cha-
 leb, qui praecipuus erat, prout habetur
 in capite, *Sacerdos magnus & Naziræus.*
 Phinees quoque iis accensetur, qui erat
 ex semine Ithamar, usque ad Eli sacer-
 dotem. Vide librum Iohasin. *Druf.*

2 Dux belli Judas assumptus est.] *Iud. 1.*
 Malim *Juda.* Nam de tribu sermo.
Drufius. Comitia in Silo coacta sunt,
 teste *Protopio*, ubi arca foederis. *Jud. 18.*

Ibi consultitur Deus per Phinees Sacerdo-
 tem, ut vult *Joseph.* seu per Urim &
 Thummim. Is tribui Judæ *τῷ ἡγεμό-
 νειῳ* in bello Chananæo tribuit. Tribus
 Iuda tribum Simeonis, quia permi-
 xta sedibus, assumit. Non ergo per lu-
 dam unus quisquam intelligitur, ut Sul-
 picius velle videtur, sed tota tribus, &
 Ducatus non alius, quam quod prima
 adscenderit contra Chananæos. *Interpr.*

3 Res prospere gesta.] Nam Chananæo,
 Pherezaeo, Jebusæo subactis, Hierosoly-
 mam captam incenderunt, & Gazam,
 Ascalonem, Accaronem Palaestinis eri-
 puerunt. *Jud. 1. Joseph. 5. 2.*

4 Secundis rebus.] *Μετὰ τὸ πῦρ τῶν
 ἢ τῶν πολεμικῶν, μεγαλῶς εἶχον, ἢ
 ἢ γὰρ, ἢ τὴν ταῦτις ἐργῶν ἐπιμελῆντ.
 Joseph.*

5 Matrimonia ex victis assumere.] Deus
 jussit ut septem gentes extirparent
Deut. 20. 16. 18. Non hoc fuit crudelitas
 ac Tyrannis, sed justum æquumque, ne
 Israëlita seducerentur, *Ramban 1. More
 Neb. 5. 4.* Hujus mandati neglectu, coe-
 perunt paulatim externos mores induere,
 Idolis sacrificare, ut graviter auctor
 noster in sequentibus edisserit, & *Jose-
 phus* narrat.

6 Idolis sacrificare.] *Jud. 2.* quæ vo-
 cantur *בָּעֲרֵב וּבְעֵזְרָא* *Jud. 2. v. 23.*
 Per Baalim significantur omnes dii ma-
 res, per Astaroth Deæ scemina. De
 omni-

darent. Sed plebs cupida dominandi, imperare victis cum 7
 pernicie malebat. Igitur cum, relicto Deo, idola cole- 8
 rent, destituti divino auxilio, ¹ à rege Mesopotamiæ evi-
 cti, & subacti, ² VII. annis ³ captivitatem pependerunt:
 denec⁴ GOTHONIEL duce in libertatem restituti, ⁵ per quin-
 quaginta annos rerum potiti sunt.

XLVI. Rursumque corrupti longæ pacis malo, idolis ¹
 litaverunt. Moxque aderat pœna peccantibus. ⁶ Ab Eglo ²
 enim ³

omnibus hisce Idolis & Diis, vide Seld.
 de Diis Syris, Vossium in admirando o-
 pere de Idololatria.

1 *A Rege Mesopotamiæ.*] Jud. 3. vo-
 catur Chufan Rishaim, cuius magna
 haud dubie potentia; quia ingens ille
 inter Eufratem & Tigrim tractus, ארץ
 אררן, Mesopotamia, sive interamnus
 Syria. Ac facile apparet nullam tum
 temporis Monarchiam Babylonicam si-
 ve Assyriam fuisse, quia tanta Regis Me-
 sotopotamiæ in vicinia, potentia. Hunc
 autem χροσιον τ' Ασυριαν βασιλεια
 vocat Josephus & Procopius, non tan-
 tum Assyriæ & Mesopotamiæ, sed & to-
 tius Syriæ Regem fuisse vult. Male.
 Nunquam enim Assyria sub Mesopota-
 mia comprehenditur, cum trans Tigrim
 fuerit. Horn.

2 VII. annis.] Corrige VIII. Nam Jud.
 3. 8. ετη εκλω. Drus.

3 Captivitatem pependerunt.] Sic infra:
 aliquandiu Salomoni servitutem pependerit.

4 *Gothoniel duce.*] Hic primus
 אררן, sive Iudicum fuit. Iosiam pa-
 ri potestate secuti sunt, qui Prætores
 dici dictatoresque poterant, etsi in sacris
 Annalibus Iudices appellantur, ratione
 haud multum diversa. Flavius Monar-
 chas vocavit. Quod nomen etiam Sylla,
 Cinna, Mariusque & alii Dictatoribus
 Romanis, Græci dedere. Hos iudices
 in magnis motibus necessitas creavit;
 & compertum est, in bello illis felici-
 ter rem semper processisse. Fuit etiam
 cum iidem rebus civilibus intenti age-
 rent, causasque audirent, sed graviores.
 Raro enim pro tribunali sedebant. Ius-

sus modo, imperiumque, & summa rei
 ad eos pertinuit. Præter Iudices & post-
 modum Reges, Synedria quoque fue-
 runt, imprimis magnum concilium
 Sanhedrin, in quod ascripti assessores
 LXX. erant. *Cum. Hebræis, Tyriis,*
Carthaginiensibus אררן diceban-
tur, κατ' ἐξουχίω summi Magistratus,
 quos Græci hic *καταίς*, Iosephus in
 Tyriorum rebus *δυναστεὺς* vocat, Latini
 in Punica historia, servato Punico voca-
 bulo, Suffetes, *αὐτοκράτορες ἡγεμόνες*
 Iosepho. Viderur autem his temporibus
 omiſſa per incuriam creatio Synedrio-
 rum LXXII. quemadmodum & ante Io-
 saphati tempora. 2. Paralip. 19. 5.
 Itaque ubi tales extra ordinem viros
 Deus non excivit, erat dissolutum Res-
 publ. corpus, nec quicquam in commu-
 ne agebatur. Tribus singulae suas res suo
 periculo ac commodo agebant; nisi si
 quæ ex usu temporum foedus inter se fe-
 cerant. Talis fuit Græciæ status Conci-
 lio Achaico, Romanorum artibus dis-
 soluto, & Gallia ante Cæsaris tempora:
 Germaniæ vero & Britannia multo et-
 iam serius. Grotius.

5 *Per quinquaginta annos.*] Quadra-
 ginta est Jud. 3. 5. 11. & apud Ioseph.
 Nec interpretes dissentiunt. Salmanti-
 censis, *judicavit Israelen 40. annis. R.*
Iose autor Seder Olam, Othoniel filius
Cenaz. 40. annis. Sunt qui putant à Sul-
 picio adjectos decem annos, quo sic
 complecteretur totum tempus, quod à
 monte Iosua effluerat. Consule Sig-
 nium. Drus.

6 *Ab Eglo enim.*] Iudic. 3. Hæc
 altera